



國家清史編纂委員會・文獻叢刊

三編

清代稿鈔本

第一一八冊



國家清史編纂委員會·文獻叢刊

三編

清代稿鈔本

第一一八冊

廣東省立中山圖書館
中山大學圖書館
編

主編 桑兵
副主編 李昭醇

程煥文
劉洪輝

廣東省出版集團
廣東人民出版社
·廣州·

第一一八冊目錄

廣東詩彙.....

(卷十六至三十)

廣東詩彙

一百五十卷

鄒慶時 屈向邦 合編

稿本

廣東省立中山圖書館藏

廣東詩彙卷十六

番禺 鄔慶時 合編
屈向邦

黃佐字才伯，號希齋，晚號泰泉居士。又曰太霞子，香山縣人。畿
子，正德庚午^{鄉試}第一，庚辰進士，由翰林院編修官至少
詹事，其學以程朱為宗，惟理氣之說，獨持一論，嘗曰：詞章
之說勝，始有無用之文；虛寂之說行，始有無文之學。卒年
七十七，贈禮部右侍郎，諡文裕。有泰泉全集十卷，嶺表

自南園五先生後、風雅中墜、佐力為聲起衰、南園後五先生
皆出其門、亦時嶺南詩派、佐實為其領袖、其詩類出流俗、質鉅
而力雄、取材於西京、割正於李唐、研精於南宋、其言與以
文、其思婉而微、粹然一出於正、近體雄深麗逸、旨遠格精、
樂府古詩兼德古今、出規入矩、譬之龍躍懸河、風鳴阿閣、
輝映高絕、信足接武曲江、
有所思

有所思、思我母慈、身上錦衲襦、母身清寧壽以眉、日夜要襦之、
於今化為縑、嗟我乃多穢、離水流東海、歸何時、嗟我會面安可
知、晨雞鳴不已、東方明星光動地、照我驅馳走千里、

君馬黃

君馬黃、臣馬玄、狹斜相逢不敢前、黃馬馳、玄馬逐、後歡沙、前歡
玉、剖以江、許翼兩張、翮、倏如流星光、周有穆、滿今聖皇、君臣
布德周萬方、

秋懷

琴瑟、陵上松、琅玕、峽中泉、回風相遇合、連清成管絃、端居極時
運、閑默何由宣、野塵盡懸磬、飛挽猶聞邊、初月張虛弓、流火血
吹烟、明河不可觴、白榆不為錢、吾民亦勞止、是天何乃然、

詠志

皆余客幽燕、步上黃金臺、駭骨日以輕、昭王安在哉、樂生功未
奏、荆卿為禍媒、風吹易水波、蕭蕭有餘哀、誰知百代後、東園凌
天關、豈令蹇諤士、零落同蒿萊、

荒哉陽臺夢、無情成匹仇、苟非精神合、淄澠為新流、漢廷富羣
策、一言相千秋、金石勒盟誓、倏忽嬰罪尤、河清尚可俟、漢廢不
可求、言樹諶草死、座用忘我憂、

上山采芙蓉、日暮傾筐歸、驅軻陳王道、脂車向梁瑋、龍戰方接
肉、志願空令乖、理人為之歎、嗟哉名實違、布穀春無食、促織秋
無衣、悠々感物多、惻々懷蒸黎、

桂山

桂山何高々、高可肩岱宗、秀色洒百粵、元象開萬壽、恍如躡孤
鳳、鵬鳥翩然從、又如乘雲槎、星漢浩溶溶、風迴玉琮琤、日射金

玲瓏珠樹編巖穴、仙聖留靈踪、我欲懷義和、珮結蒼精龍、我冠
朝太清、獻此青芙蓉、天長綠霞遠、歲晚寒烟濃、長笑倚磐石、笙
竽滿杉松、

天華宮

危石駕紫霄、幽谷吐白雨、誰為真蛟螭、駕構窮夢楚、鋤雲得翠
礪、緬想翠飛宇、甘露羽蓋地、所墮拱禮鼠、迴逕奏阿房、天運能
幾許、况持清海節、公麼崑沙主、黃龍詫真符、三芝望遐舉、玉馬
朝汝州、執樞長降侶、銍魂夕銷燹、俎豆忽瑤堵、萬物一指間、独
契漆園語、

羅浮釣鰲石有懷羅豫章先生

任公昔垂釣、鉉然龍伯先、巨鰲一入手、綸竿都棄捐、鎮此蓬山
下、化石今千年、豈為豫章翁、拂石聞蒼烟、坐觀萬物備、胸中羅

九天正如得巨鰲、不屑羅小鮮、泉源涵有象、松風韻無絃、真樓
不復見、悠々東逝川、

九疑篇紀遊作

九疑連蹺接南斗、顧視羣山駿奔走、三湘秀色如虹橫、萬壑虛
濤作雷吼、雷吼虹橫自古今、搖吹牧唱愁人心、春秋牲玉薦明
祀、褰帷誰後來登臨、金侯自是循良者、夙駕行春度平野、桃花
開處認庭靜、邀我尋幽舞初下、我來曉逐東風行、千樹萬樹皆
流鶯、六盤蹙蹙皆神動、彷彿簫韶天際迎、天際相携蹕飛步、自
笑登高未能賦、輕袂飄々紫雲舞、曲磴盤々出蒼霧、蒼霧紫氣
長不消、木石欹側度豕驕、重華靈壙若何處、英雄淚竹空蕭々、
此邛路隔閼河外、豈有鳴條尋芳海、倦勤已矣復來遊、抱烏弓
者曾誰在、嗚呼野死胡三稽、金輿華設山鳥啼、陟方之說誤千

古、捐珮無言春日西、日西東、燭斜岩款、笑向金侯、嫌畫短、夕霞
驚看征旆濕、靈風忽送清笳滿、歸未祠下月微明、曉、垂棠如
有聲、明朝拜別巾車去、更聽流鶯消客情、

都門逢美人行姚倬奎席上賦送陳參政探韻得高舉二

字

都門柳絲青可縑、聞郎好鳥求其曹、美人久笑入夢寐、笑揮結
綵歌鳴皋、憶昔贈我金錯刀、欲往報之阻烟濤、雲裾月珮忽相
見、冰雪一洗心煩勞、危園開尊延旆旄、春風淡蕩吹緋桃、觥籌
凌亂絲竹動、燕笑不知明月高、泉陵別駕醉起舞、舞罷遙迴淚
如雨、感恩自是門下人、殺身未報尊前主、當年人事君獨取、英
雄未遇多齟齬、劍埋楚國終作龍、璞售宋人何異鼠、君不見毛
公薛公誰與語、風雨感會生毛羽、平原之客徒素舉、

月下酌李王二子歌

青袍白馬款我扉、綠蟻沾就霜螯肥、長風送秋入燕樹、但見萬里銀蟾飛、持螯酌酒白二子、銀蟾弄我杯中輝、古來幾許歡園缺、今子不醉當與歸、君不見王子喬、君不見丁令威、雲間笙鶴去不返、蓬、仙貴誰能希、相逢為歡且傾倒、耳熱那聞今是非、酒闌揮手一為別、滿空白露明秋衣、

放歌行贈祁惟允

粵王古臺結衡宇、八月芙蓉映霜渚、饒州太守來舉觴、潛虬躍波聽人語、我何以語君、曲肱之外多浮雲、把玩自怡悅、豈必追隨鴻鸞羣、君何以語我、春陽所施無不可、蓬萊志四海、豈必奈埤與青瑣、眼中離合今十年、世途呼海胡為然、丹楓葉脫白榆暮、明啓粵臺懷婺川、婺川本是施羅國、笑謝双旌入蓮幕、石所

在昔登方岳、淵源況是承家學、鵬從何曾同燕雀、且盡醅醑為
君酌、君不見市上沽、何處無生計、轉大心易粗、清詎不復聞當
壚、

臨江道中

喬峯花開山翠飛、腰鑪前孺態相依、金川道上風浪急、玉筍山
前烟火微、長鯨已墮黃石磯、大將猶寒貂虎旅、翩然揚袂者誰
子、陌上酣歌緩歸、

酥醪觀

安期生、飲天漿、醉後一噓喻、水露化作酥醪香、騰驂陵陽已飛
去、玄邱漠漠雲茫茫、葛洪得丹砂、煉向安期家、河車轉運隨日
華、丹成亦得觴九霞、天端叱掣不可見、碧瀾萬蒲間紫花、

碧梧丹鳳圖為黎侍御一卿題

鳳兮鳳兮爾來當何時、知爾之德萬古長不衰、不然上天能爾
九苞明、安用綈綈為、君不見桃李當日飛為鵝、眷令原上啼鵲
鴉、寫几三音曉三、室家恐為陰雨漂、但求風定果日出、用上碧
梧寒不凋、爾於此時來、和鳴叶簫韶、咸王優游君爽嘉、卷阿為
尔歌且謠、鳳兮鳳兮披圖對尔起三歎、久矣不夢周公旦、咸陽
宮前多枳荆、何用盾三悲秦漢、

石岐夜泊

香山秀出南海隅、四圍碧水涵青天、七星峯處擁樓閣、北斗照
耀開雲烟、雲烟長自孝宗起、霞霞千家連百里、漁歌菱唱不勝
春、桂棹蘭橈鏡光裏、石岐夜泊白鷗沙、南臺縹緲浮梅花、蛟浦
澄、洗明月、龜城藹三升、蟹夜繁霞明月從昏曉、翠拱朱甍仞

竊竊井澳空傳北騎仙、鳥巖多見南枝鳥、鳥飛仙去杳難尋、木
自成喬水自深、瑩堂一入青山郭、而友世間綠綺琴、綺琴古韻
真奇絕、正氣當年動滄沈、共言解慍協薰風、誰悟知音成白雪、
白雪薰風調莫彈、栽桃栽柳世稱難、身隨列宿歸天上、路比靈
光寄此間、大北山前松柏老、青星原上多瑤草、采之今為南陌
行、迢迢昨憶青門道、道出青門月子圓、浴鳬飛鷺滿蓮塘、競誇
北里量牛馬、絕勝西康集鳳凰、豪華比屋何須數、海錯山珍棄
如土、刮靚那無種玉田、營家自有藏金塢、豪華堪美更堪悲、零
落山邱能幾時、紅錦歲時裝半臂、磨滅芳名誰復知、此時壯志
期鴻鵠、此夜疎燈照帆宿、浩歌果甫回陽春、滄波渺渺桑田綠、

宋行宮

沙浦清夜月、曾照宋行宮、未抵黃龍府、空悲白雁風、且心思蹈

海、正氣化成虹、若蓬厓門願、吾鄉有大忠、

羅浮道中

獻歲羅浮約、偕遊及仲春、紅芳隨馬翼、綠草帶龍津、雨磴躑躅攀、
捷烟含多態、神回看早炊、屠蛇樹更無鄰、

立春

野雉依寒渚、愁吟且未迴、春從今日到、若想到園開、白雪裁仙
調、青雲捧御臺、陽和知不負、偏入掌中杯、

對月

江月初成鏡、山城初倚樓、徘徊如伴客、浩蕩更隨舟、陌上清光
滿、樽前烟燭遒、豈知離別後、對尔轉添愁、

全節廟

極目辺塵暗、帝畿樓船南、古逐斜暉、已無虎帳鳴金柝、只有龍